



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ein hundert Vnwarheytt/ Beneben Achtzehen vnd mehrern
verfaelschungen der Schrift/ vnd Viertzigen
vngeschickten Consequentzen So in den ersten siben
kleinen Blettern/ von der halben Præfation ...**

Pistorius, Johann

Coelln, 1595

VD16 P 3043

XC.

urn:nbn:de:hbz:466:1-32834

Offentlich falsch ist / das S. Paulus alleyn mit der Lutherischen zugerechneten Gerechtigkeit Christi in das gericht Gottes treten woll / Dañ gleichwol wahr / das Christus das eynig fundament seiner hoffnung / Gerechtigkeit vnd Seligkeit ist / auß dem dz ander alles durch genad Gottes nachquilleth vnd aufsteuisset / Inmassen kein anders fundament ewiglich gelegt werde kan / (1. Cor. 3.) Aber widerumb wahr / das er auch sein talent mit sich in das gericht Gottes bringen / vñ mit demütigster danck sagüg vnserm Gott vnd Richter antworten will / Herr du hast mir fünff talent geben / sihe ich hab anderfünff darüber gewonnen / Matth. 25. vnd dergleichen Luc. 19. Dann Gott das seinig einmal ohn nachlaß (Ibidem) mit einem wucher wider empfangen / Aber dagegen sein heyligen das für in die freud shres Herrn eingehen heissen / vnd zu lohn sie ober viel setzen / vnnd die Regierung ober zehen stede geben will (Ibidem) wie auch Christus selbst / wann schon S. Paulus schweigt / in deshalben vor Gottes Angesicht im letzten gericht rühmen / vnd sein Werck in sein gericht einführen (Ibidem vnd Apoc. 14.) vñ sagen würdt / mich hat gehüngert du hast mich gespeiset / 2c. Derhalben so vil mehr falsch / das die Gerechtigkeit des glaubens oder Christi die Gerechtigkeit des newen lebens aufschlis / vnnd ein wider die ander sei.

XCI. vnd XCII.

Vn wahr ist erstlich / das der Lutherischen Gerechtigkeit heil / vnd deutlich in der Schrift bezeugt / zum anderen / das ein eyniger Sonnenschein des Euangelij bei den Lutherischen zu finden / vnd deshalben zuverwunderen sei / das etliche von Gott erleuchte Christen dauon abfallen / Sondern war ist / das die Lutherische meynung die iustification vnd ander mehr Articul belangent / mit keinem wort in H. Schrift gemeldt / vnd ein lautter grob Egyptisch greiflich Finsternuß sei / das am höchsten zuverwunderen / wie doch möglich